

過年的時陣

作者 洪淑媛

改編 許擇文

各位評判老師、各位小朋友、逐家好：

今仔日我所演講的題目是「過年的時陣」。

講著過年，我上懷念轉去阿嬤兜過年。阿嬤伊踎佇雲林縣崙背的庄跤；阮對台北開車轉去，愛四、五點鐘才會到位，路頭較拄天，所以阮阿爸阿母攏佇欲倚年的時，才煮阮轉去迤迤。逐擺轉去，阿嬤若看著我，若親像看到寶全款，甲我攏牢牢。伊定定講：「一个囡仔較鬧熱三个大人」，所以伊上愛我轉去佮伊做伴。

俗語講：「新年頭、舊年尾」，咧欲過年，阿嬤就攢真濟物件拜拜，是無閒 tshih tshih，鬧熱滾滾。到了二九暝，阿伯、阿姑規家伙仔攏轉來，阿嬤佮阿母嘛攢規桌頂好食的料理，有我愛食的紅燒排骨、鹹酥蝦、燒酒雞，腥臊摺豐沛，無張持，煞擦二碗飯，啊！這聲就愛減肥啊！逐家圍爐團圓，那食那開講，講天講地，講鬮稀佮飯籩。阿若歎雞胗毋免納稅金，阿叔上蓋會，害我笑甲腹肚痛。

食飽了後，就是到阮上期待的時陣——嘿嘿，共恁講喔：過年時仔喙甜甜，講好話，紅包有夠濟！「祝阿伯恭喜大發財，金銀一直來！」、「祝阿姑妖嬌美麗，永遠十八歲！」雖然有較謙，紅包一包足大包。「阿嬤，祝你食甲百二歲，攏免夯拐仔做工課。」阿嬤是笑甲強欲落下頰：「啊食甲百二歲，攏愛做工課，到底是好命啊是歹命？」欸，曷知，紅包有趁著就好。

人講：「大人煩惱無錢，囡仔歡喜過年。」這時陣，管伊有錢無錢，只要親情團圓，朋友作伙，就是上美滿的時陣。過年彼種幸福的記持，會永遠留踎佇我的心肝底！

我的演講到遮結束，多謝大家！